

Toi Ataata Kaupae 1

Te Pūrongo Aromatawai ā-Waho 2025



Te Marautanga o Aotearoa
 Te Rā Aromatawai
 Te Momo Aromatawai
 Te Paerewa Paetae

Toi Ataata
 19 o Akuhata 2025
 He Tūmahi Aromatawai Pātahi
 92085

Te Wāhanga 1: He Tirohanga Whānui

I aromatawaingia i tā te ākonga āhei ki te tautohu mai i ngā huānga toi ataata i roto i tētahi o ngā taura toi, me tōna whakapuaki māramatanga hoki ki ētahi huānga nō mahinga toi kē e pai ai tōna whakautu pātai, me tōna whakatakoto whakairo hōhōnu mō ngā huānga toi ka kitea.

Te Wāhanga 2: He kōrero mō te Paerewa

92085 Te whakaatu māramatanga ki ngā huānga toi ataata

E rua ngā wāhanga o tēnei TAPā.

Te Wāhanga Tuatahi:

I kōwhiri te ākonga i tētahi o ngā mahinga toi ataata, katahi i tautohu i ngā huānga toi ataata hei kaupapa kōrero, hei whakautu i ngā pātai.

Te Wāhanga Tuarua:

I kōwhiri te ākonga i tētahi o ngā hopukanga oro e whakamārama ana i tētahi mahinga toi ataata. Katahi i tautohu te ākonga i ngā huānga toi ataata hei kaupapa kōrero, hei whakautu i ngā pātai. Me tika te whakamārama i ngā huānga toi e kitea ana, tae rā anō ki tōna hāngai ki te horopaki o te mahinga toi.

Pūrongo Paerewa Paetae:

Te Tirohanga:

I mārama pai ki ngā tohutohu o te aromatawai, heoi ko te tino ruku hōhonu ki ngā whakautu te rerekētanga o te eke ki ngā taumata o paerangi.

Ko ngā Ākonga i eke ki te **Kairangi** i te paerewa paetae nei:

- i āta wete i ngā whakaaro e tino whakatinana ai i tōna māramatanga ki ngā huānga toi i kōrerohia, me tōna hāngai ki te horopaki o ngā mahi.

Ko ngā Ākonga i eke ki te **Kaiaka** i te paerewa paetae nei:

- i tutuki i ngā haepapa katoa o te aromatawai.
- i hono pai i ōna whakaaro ki ngā mahinga toi i hāngai ki te horopaki.

Ko ngā Ākonga i eke ki te **Paetae** i te paerewa paetae nei:

- i kōrero iti nei mō ngā mahinga toi i kitea i roto i ngā tauira, ā, i pai noa te whai hononga ki te horopaki o te mahinga toi.

Ko ngā Ākonga **Kāore i whiwhi** i te paerewa paetae nei:

- i whakatakoto whakaaro, heoi kāore i hāngai ki ngā mahi, kāore hoki i whai hononga ki ngā huānga toi ataata.

